

## الأناجيل

## متى

يسوع هو المسيح الملك = الله الظاهر في الجسد

القديس متى كتب إنجيله عشان يوضح إن يسوع هو المسيح (اللي ربنا وعد به إبراهيم) و هو الملك السماوي (اللي من نسل داود) و هو مشرّع عهد جديد (زي موسى في العهد القديم) بل كمان هو عمانوئيل (الله الظاهر في الجسد) اللي فيه تحقيق كل النبوات و جه عشان يخلصنا من خلال صليبه وقيامته

طبعا الملخص ده لا يعني أبداً عن القراءة الشخصية للكتاب المقدس و التأمل العميق في كلامه ده مجرد ملخص بسيط، مش درس كتاب 😊

## i عن السفر



عدد الإصحاحات: 28

## ? ظروف الكتابة:

- كاتب السفر هو القديس متى الرسول (لوي بن حلفى العشار - و معنى اسمه: عطية الله) أحد التلاميذ الـ 12
- كتبه بعد حوالي 30 أو 40 سنة من صعود ربنا يسوع ... هو ثاني إنجيل تاريخياً (بعد إنجيل مرقس)

## ✓ هدف السفر:

- هو الوصلة بين العهد القديم والعهد الجديد

- القديس متى كتب إنجيله لليهود عشان يبرهن لهم أن يسوع هو المسيح المُنتظر حسب نبؤات العهد القديم ... عشان كده هو أكثر إنجيل فيه نبوات من العهد القديم
- هو أكثر إنجيل فيه كلمة (ملكوت السماوات) لأنه بيقدّم ربنا يسوع الملك الجديد (من نسل داود), لكن ملك سماوي مش أرضي

## ترتيب السفر

السفر متقسّم إلى 5 مواضيع رئيسية بين المقدمة و الختام

إصحاح 1 ل 3

الربط بين يسوع و العهد القديم



إصحاح 4 ل 7

إعلان ملكوت الله



إصحاح 8 ل 10

يسوع يأتي بالملكوت إلى حياة الناس



إصحاح 11 ل 13

ردود الأفعال تجاه يسوع



إصحاح 14 ل 20

توقعات متباينة عن المسيح



إصحاح 21 ل 25

الصدام مع قادة اليهود



إصحاح 26 ل 28


الفداء



## ملخص السفر

# 1: الربط بين يسوع و العهد القديم

إصحاح 1 ل 3



## الصورة من موقع BibleProject

### • (إصحاح 1) نسب السيد المسيح

- يبدأ القديس متى إنجيله بنسب السيد المسيح من القديس يوسف النجار و بيرجعه إلى شخصيتين رئيسيتين في تاريخ العهد القديم: **داود الملك و أبونا إبراهيم**
- بعد كده قصة الميلاد لقا ظهر الملاك للقديس يوسف و قال له إن **العدرا ثبلى من الروح القدس بدون زواج** تميمياً لنبوة إشعيا النبي

### • (إصحاح 2) زيارة المجوس و الهروب إلى مصر

- (آية 1 ل 12) **زيارة المجوس** لربنا يسوع (زي ما نقرأ في إنجيل عيد الميلاد)
- (آية 13 ل 18) **الهروب إلى مصر بعد رؤيا القديس يوسف** ... و هيرودس الكبير قتل أطفال بيت لحم والمناطق المحيطة بها بعد هروب المجوس دون أن يبلغوه بمكان المولود ملك اليهود
- (آية 19 ل 23) **العودة للناصرة** بعد موت هيرودس و مَلِك ابنه أرخيلوس على اليهودية

6d نقدر نعرف أكثر عن العائلة المقدسة في مصر

### • (إصحاح 3) المعمودية

- (آية 1 ل 12) **خدمة يوحنا المعمدان** اللي بدأ يعقّد الناس معمودية التوبة و يهيء الطريق للمسيح
- (آية 13 ل 17) **معمودية ربنا يسوع** من يوحنا التي نحتفل بها في عيد الغطاس

6d نقدر نشوف كارتون عيد الغطاس - معمودية ربنا يسوع

نبوءات العهد القديم في إنجيل متى - إصحاح 1 ل 3

العهد الجديد	العهد القديم	النبوة
--------------	--------------	--------

العهد الجديد	العهد القديم	النبوة
متى 1 : 23	إشعياء 7 : 14	هوذا العذراء تحبل وتلد ابناً، ويدعون اسمه عمانوئيل
متى 2 : 6	مينا 5 : 2	وأنت يا بيت لحم، أرض يهوذا لست الصغرى بين رؤساء يهوذا، لأن منك يخرج مدير يرعى شعبي إسرائيل
متى 2 : 11	إشعياء 60 : 6	وقدموا له هدايا: ذهباً ولباناً ومررا
متى 2 : 15	هوشع 11 : 1	من مصر دعوت ابني
متى 2 : 18	إرميا 31 : 15	صوت سمع في الرامة، نوح وبكاء وعويل كثير. راحيل تبكي على أولادها ولا تريد أن تتعزى، لأنهم ليسوا بموجودين
متى 2 : 23	زكريا 6 : 12 (لأن الناصرة معناها الغصن)	إِنَّهُ سَيُدْعَى نَاصِرِيًّا
متى 3 : 3	إشعياء 40 : 3	صوت صارخ في البرية: أعدوا طريق الرب. اصنعوا سبله مستقيمة

## فاصنعوا أثماراً تليق بالتوبة

متى 3 : 8

- رسالة يوحنا المعمدان كانت واضحة: التوبة ... و التوبة تُقاس بالثمار
- و الثمار دي وضحها القديس بولس في رسالة غلاطية: وأما ثمر الروح فهو: محبة، فرح، سلام، طول أناة، لطف، صلاح، إيمان، وداعة، تعفف.
- هو ده مقياس التوبة الحقيقي

## نتعلّم إِيَّه؟

نبوات كثير جداً في العهد القديم انطبقت على ربنا يسوع قبل حتى ما يبدأ خدمته  
يا رب خليني أفهم إن الكتاب المقدس كله وحدة واحدة مترابطة بعهديه القديم و  
الجديد

## # 2: إعلان ملكوت الله

إصحاح 4 ل 7



الصورة من موقع BibleProject

### • (إصحاح 4) بداية خدمة السيد المسيح

- التجربة - ربنا يسوع راح البرية و صام 40 يوماً بعدها جرّبه الشيطان، و ربنا يسوع انتصر عليه من آيات الكتاب المقدس (إنجيل أحد التجربة)
- بداية الخدمة - بعدها ربنا يسوع راح كفرناحوم و بدأ يعلم و يشفي المرضى ... و دعا تلاميذ زي بطرس و أندراوس و يوحنا و يعقوب

## نقدر نشوف كارتون التجربة

### • (إصحاح 5 ل 7) الموعظة على الجبل

#### ○ إصحاح 5: إكمال الناموس

- (آية 1 ل 16) التطويبات - زي ما نقرأ في إنجيل صلاة الساعة السادسة في الأجيبة
- (آية 17 ل 48) إكمال الناموس - إكمال العهد القديم (أو التقليد اليهودي) عن طريق شريعة الكمال في العهد الجديد

#### إكمال الناموس في الموعظة على الجبل

الموضوع	سمعتم أنه قيل	أما أنا فأقول لكم
الغضب	لا تقتل	من يغضب على أخيه باطلاً يكون مستوجب الحكم
الزنا	لا تزني	من نظر إلى امرأة ليشتهيها فقد زنى بها في قلبه
الطلاق	من يطلق امرأته فلا يعطيها كتاب طلاق	من طلق امرأته إلا لعلة الزنى يجعلها تزني
القسم	لا تحنث	لا تحلفوا البتة
الانتقام	عين بعين و سنّ بسنّ	لا تقاوموا الشر
محبة الأعداء	تحب قريبك و تبغض عدوك	أحبوا أعدائكم. باركوا لاعنيكم. أحسنوا إلى مبغضيكم.

#### ○ إصحاح 6: الكنز في الخفاء

- (آية 1 ل 18) الصوم و الصلاة و الصدقة في الخفاء - و الفصل ده نقرأه في أحد رفاع الصوم الكبير
- (آية 19 ل 34) الكنز في السماء - و الفصل ده نقرأه في الأحد الأول من الصوم الكبير (أحد الكنوز)

## نقدر نقرا ملخص كتاب أحد الكنوز

### ○ إصحاح 7: تعاليم متنوعة

- **عدم الإدانة** - زي ما ندين الناس ربنا يديننا
- **الطلب من الله** - الآب السماوي الطيب اللي بيعطي عطايا جيدة لكل من يطلب
- **الثمر** - الكلام سهل لكن أولاد ربنا يظهروا من أفعالهم زي ما الشجرة تبان من ثمرها

■ أخيراً حفظنا و عملنا لوصايا ربنا بيخلينا زي اللي باني بيته على الصخر زي ما نشوف في الكارتون ده

نبوات العهد القديم في إنجيل متى - إصحاح 4 ل 7

العهد الجديد	العهد القديم	النبوة
متى 4 : 4	تثنية 8 : 3	ليس بالخبز وحده يحيا الإنسان, بل بكل كلمة تخرج من فم الله
متى 4 : 6	مزمور 91 : 11	أنه يوصي ملائكته بك, فعلى أياديهم يحملونك لكي لا تصدم بحجر رجلك
متى 4 : 7	تثنية 6 : 16	لا تجرب الرب إلهك
متى 4 : 10	تثنية 6 : 13	للب إلهك تسجد وإياه وحده تعبد
متى 4 : 15 و 16	إشعيا 9 : 1 و 2	أرض زبولون, وأرض نفتاليم, طريق البحر, عبر الأردن, جليل الأمم. الشعب الجالس في ظلمة أبصر نورا عظيما, والجالسون في كورة الموت وظلاله أشرق عليهم نور

فإنه إن غفرتم للناس زلاتهم, يغفر لكم أيضا أبوكم السماوي. وإن لم تغفروا للناس زلاتهم, لا يغفر لكم أبوكم أيضا زلاتكم.

متى 6 : 14 و 15

الوصية التي ربنا عادها و فضّلها بعد أبانا الذي هي المغفرة, و الشرط واضح: سامح الناس و ساعتها ربنا يسامحك ... أو ماتسامحش و تبقى حكمت على نفسك إن ربنا لن يغفر لك


نتعلّم إيه؟

نقلة كبيرة جداً عملها ربنا يسوع في تعليمه هنا ... كَمَل ناموس العهد القديم بعهد جديد من المحبة أكيد أدهش كل من يسمعه

يا رب مدخل العهد الجديد هو قلب جديد مليان محبة بفعل روحك القدوس .. إديني يا رب القلب و الإرادة و الفكر إني أعيش حسب وصاياك

# 3: يسوع يأتي بالملكوت إلى حياة الناس

إصحاح 8 ل 10



الصورة من موقع BibleProject

### • الجزء ده بيركز على معجزات ربنا يسوع زي:

- إصحاح 8: شفاء أبرص + شفاء غلام قائد المئة + شفاء حماة سمعان + تهدئة البحر العاصف + طرد الشياطين وشفاء من بهم أرواح شريرة
- إصحاح 9: شفاء المفلوج المدلى من السقف + شفاء نازفة الدم + إقامة ابنة يائرس + شفاء أعميين + شفاء أقرس

■ نقدر نشوف كارتون المفلوج

### • إصحاح 10: إرسال الرسل ال12

- و ربنا يسوع لَمَّا أرسلهم أعطاهم سلطان يعملوا معجزات و رسالة واضحة للناس (اقترب منكم ملكوت السماوات)
- لكن معاها تحذيرات واضحة إن فيه رفض من ناس كثير و هتوصل لجلد و اضطهاد (زي ما هيحصل له)
- مع الاضطهاد فيه معونة و إرشاد و قوة من ربنا بالروح القدس
- و في الآخر فيه أبدية سعيدة لكل من يصبر ويثبت

نبوات العهد القديم في إنجيل متى - إصحاح 8 ل 10

النبوة	العهد القديم	العهد الجديد
هو أخذ أسقامنا وحمل أمراضنا	إشعيا 53 : 4	متى 8 : 17

## إني أريد رحمة لا ذبيحة، لأنني لم آت لأدعو أبرارا بل خطاة إلى التوبة

متى 9 : 13

فارق كبير جداً في النظرة للخطاة و درس مهم علّمه ربنا يسوع لنا و هو جالس في بيت متى العشار في وليمة مع أصدقاءه العشارين ذوي السمعة السيئة

ربنا عايز القلب المليان حنان و محبة لكل مش القلب اللي بيدين و يرفض زي الكتبة و الفريسيين اللي انتقدوه

## نتعلّم إيه؟

ربنا يسوع كان واضح جداً و هو بيرسل تلاميذه ... كان واقعي و قال لهم رسالة واضحة مع سلطان واضح مع توقّع واضح للتحديات و إزاي يواجهوها و إيه المكافئة النهائية

🙏 يا رب خليني في خدمتي و كل بداية جديدة لي، أراجع رسالتي و طريقي و التحديات اللي فيه و أتوقّع إيه و أعمل إيه

## # 4: ردود الأفعال تجاه يسوع

إصحاح 11 ل 13

**أمثال عن الملكوت**  
(إصحاح 13)

**١١-١٣**  
ردود الأفعال  
تجاه يسوع

**الأمثال - تعليقات تفسيرية للملاحظة**

يسوع هو المسيح!

هل هو المسيح...؟

ليس هو المسيح!

إيجابية:

الناس

يوحنا المعمدان

الفريسيين

إيجابية:

سلبية:

الصورة من موقع BibleProject

• إصحاح 11: السيد المسيح ويوحنا المعمدان

- يوحنا المعمدان في السجن أرسل 2 من تلاميذه يسألوا ربنا سؤال شكله محايد: هل أنت المسيح؟
- طبعاً يوحنا كان عارف الإجابة من ساعة المعمودية ... لكن كان عايز تلاميذه يعرفوا بنفسهم و يتبعوا ربنا يسوع
- و ربنا يسوع طوّب يوحنا المعمدان و قال إنه أعظم مواليد النساء

### ● إصحاح 12: السيد المسيح و الفريسيين

- على عكس يوحنا, الفريسيين عاندوا ربنا يسوع و اتّهموا رب السبت إنه بيكسر السبت لأنه بيشفى ناس في السبت
- بل تناولوا على ربنا يسوع و قالوا إنه ببعزلبول رئيس الشياطين يُخرج الشياطين!
- على عكس كده, الشعب شاف معجزات ربنا يسوع وسمع تعاليمه و قالوا: هو ده المسيح

### ● إصحاح 13: أمثال الملكوت

- في الإصحاح ده ربنا يسوع علّم الجموع بأمثال عن ملكوت السماوات, و شرح بعض هذه الأمثال لتلاميذه

- **الزارع**: زي ما نسمع في العظة دي
- **القمح والزوان**: اللي ربنا بيّن فيه إنه يعطي الأشرار على الأرض فرصة للتوبة حتى يأتي يوم الدينونة ... لو لم يتوبوا سيكون مصيرهم الذي اختاروه هو للعذاب الأبدي
- **حبة الخردل**: زي ما نشوف في الكارتون ده
- **الخميرة**: اللي بيبينّ قد إيه ملكوت السماوات و البشارة بربنا يسوع تنتشر في كل العالم زي الخميرة ما يخمر الدقيق
- **الكنز المخفي في حقل**: زي ما نشوف في الكارتون ده
- **اللؤلؤة الكثيرة الثمن**: زي ما نقرأ في التأمل ده
- **الشبكة**: زي ما نشوف في الكارتون ده

نبوات العهد القديم في إنجيل متى - إصحاح 11 ل 13

العهد الجديد	العهد القديم	النبوة
-----------------	-----------------	--------

العهد الجديد	العهد القديم	النبوة
متى 11 : 10	ملائي 3 : 1	ها أنا أرسل أمام وجهك ملاكي الذي يهيئ طريقك قدامك
متى 12 : 18 ل 21	إشعياء 1 : 42 4	هوذا فتاي الذي اخترته، حبيبي الذي سرت به نفسي. أضع روحي عليه فيخبر الأمم بالحق. لا يخاصم ولا يصيح، ولا يسمع أحد في الشوارع صوته. قصبة مرضوضة لا يقصف، وفتيلة مدخنة لا يطفئ، حتى يخرج الحق إلى النصر. وعلى اسمه يكون رجاء الأمم
متى 13 : 14 و 15	إشعياء 6 : 10	تسمعون سمعا ولا تفهمون، ومبصرين تبصرون ولا تنظرون. لأن قلب هذا الشعب قد غلظ، وآذانهم قد ثقل سماعها. وغمضوا عيونهم، لئلا يبصروا بعيونهم، ويسمعوا بأذانهم، ويفهموا بقلوبهم، ويرجعوا فأشفيهم
متى 13 : 35	مزمو 78 : 2	سأفتح بأمثال فمي، وأنطق بمكتومات منذ تأسيس العالم

## الإنسان الصالح من الكنز الصالح في القلب يخرج الصالحات، والإنسان الشرير من الكنز الشرير يخرج الشرور

متى 12 : 35

تعليم واضح من ربنا يسوع إن الإنسان ببيان إيمانه و صلاحه من ثمر أعماله

## نتعلم إيه؟

نفس البذار (كلمة ربنا يسوع و تعاليمه) كان الثمر لها مختلف حسب الأرض (رفض من الفريسيين و استجابة من التلاميذ و الشعب)

🙏 يا رب إديني أكون أرض جيدة تستقبل تعليمك بفهم حتى تثبت في قلبي وقت الشدة و التجارب

## # 5: توقعات متباينة عن المسيح

إصحاح 14 ل 20



الصورة من موقع BibleProject

## • إصحاح 14: اعتراف التلاميذ بلاهوت المسيح

- يبدأ الإصحاح باستعادة قصة قطع رأس يوحنا المعمدان على يد هيرودس رئيس الربع الشمالي من إسرائيل بعد ما يوحنا قال له: لا يحلّ لك أن تتزوج امرأة أخيك الحيّ
- بعد كده معجزة إشباع الجموع زي ما نشوف في [الكرتون ده](#)

- بعد كده في نفس اليوم معجزة المشي على الماء لَمَّا التلاميذ كانوا معدّبين من الأمواج طول الليل جه لهم يسوع ماشياً على الماء في الهزيع الرابع (قبل الفجر)

💡 و بعد المعجزتين دول التلاميذ إيمانهم بقى ثابت ... سجدوا للسيد المسيح و قالوا:  
بالحقيقة أنت ابن الله!

### ● إصحاح 15: الوصية ولا التقليد؟

- يبدأ الإصحاح بصدام بين ربنا يسوع و الكتبة و الفريسيين ... هم سألوه: ليه تلاميذك يأكلون بأيدي غير مغسولة (عكس تقليد شيوخ اليهود)؟ ربنا في الآخر جاوب إن التقليد ده غير مهم لأن ما يخرج من الفم (الكلام) هو اللي ينجس الإنسان و ليس ما يدخل (الأكل)
- لكن كمان قال لهم إنهم يبطلون وصية الله بتقليدهم! مثال: ربنا قال أكرم أباك و أمك ... بينما هم بيقولوا: مش لازم لو هاتقدّم قربان بدل ما تكرمهم
- بعد كده بنشوف إيمان المرأة الكنعانية و شفاء ربنا يسوع لابنتها بعد ما أظهر إيمانها بامتحان صعب
- بعد كده معجزة إشباع الـ4 آلاف أسرة

💡 في إصحاح 16 ربنا يسوع سأل تلاميذه من يقول الناس إني أنا؟ وأنتم من تقولون؟ بطرس جاوب: أنت هو المسيح ابن الله الحي .. و ربنا يسوع من هنا بدأ يكلم تلاميذه عن آلامه و صليبه و قيامته عشان يصح توقعاتهم و يقول لهم إنه مش ملك أرضي

- إصحاح 17: التجلي - لَمَّا ربنا يسوع تجلّى على الجبل وظهر معه موسى و إيليا ... و بعد التجلي برضه كَلَّم تلاميذه عن صليبه و قيامته

🎥 نقدر نشوف كارتون التجلي

- إصحاح 18 ل 20: المملكة المعكوسة - هنا ربنا يسوع بيقدّم تعاليم عكس اللي الناس متوقّعاها

- العظمة: العظمة في الخدمة بتواضع زي ما ربنا علّم التلاميذ

🎤 نقدر نسمع وعظة من هو الأعظم؟

- **الغفران:** لازم نغفر لمن أساء إلينا و نعاتبه إن أخطأ إلينا زي ما ربنا بيعمل معانا ... ده اللي شرحه يسوع في مثل (العبد الذي لا يغفر)
- **الزواج:** هم بالنسبة لهم الطلاق شيء عادي و مافيهوش مشكلة, لكن ربنا يسوع فهمهم إن الطلاق لعلة الزنا فقط و إن الزواج سر عظيم فيه ربنا بيجمع 2 و ماينفesh حد يفترقهم ... و فهمهم إن الطلاق سمح به ربنا في العهد القديم لأن الناس كانت شريرة و قلبها قاسي و ممكن في حالة عدم الطلاق يعملوا جرائم أصعب

### 💡 الجزء ده هو اللي بنقراه في الإكليل

- **الغنى:** في مثل الشاب الغني, ربنا بيّن إن الكنز الحقيقي في السماء (من خلال أعمال الرحمة) مش على الأرض (من خلال جمع الفلوس)
- **الأجر:** الأجر السمائي واحد لكل من تاب و دخل في كرم المسيح مهما تأخرت معرفته بربنا (مثل الفعلة في الكرم; اللي بدأوا في الساعة الـ 11 أخذوا نفس الأجر الكامل اللي أخذه اللي جاءوا باكراً)

نبوات العهد القديم في إنجيل متى - إصحاح 14 ل 20

النبوة	العهد القديم	العهد الجديد
يقترّب إليّ هذا الشعب بفمه, ويكرمني بشفتيه, وأما قلبه فمبتعد عني بعيداً. وباطلاً يعبدونني وهم يعلمون تعاليم هي وصايا الناس	إشعيا 19 : 13	متى 15 : 8 و 9
من أجل هذا يترك الرجل أباه وأمه ويلتصق بامرأته, ويكون الاثنان جسداً واحداً	تكوين 2 : 24	متى 19 : 5

### قال لهم: «وأنتم, من تقولون إنني أنا؟»

متى 16 : 15

أهم سؤال في حياة كل واحد فينا: ربنا يسوع من بالنسبة لي؟ ده السؤال اللي هيحدد اتجاه حياتي و مصيري

## نتعلّم إِيه؟

توقّعات كثير عن ربنا يسوع سواء من الفريسيين أو من الشعب أو من التلاميذ، و مافيش توقّع كان صح حتى من التلاميذ اللي كانوا عارفين إنه المسيح بس فاكريته هايبقى ملك أرضي

يا رب خليني أفهم ملكوتك زي ما أنت شرحته ووضّحته ... طريق فيه ألم و صليب ينتهي بأمجاد عظيمة

## # 6: الصدام مع قادة اليهود

إصحاح 21 ل 25



الصورة من موقع BibleProject

💡 من أول هنا نبدأ أسبوع الآلام، و الأحداث اللي ذكرها معلّمنا متى كالتالي

أحداث أسبوع الآلام المذكورة في إنجيل متى

اليوم	الأحداث	الشاهد
أحد السعف	دخول السيد المسيح أورشليم	متى 19
أثنين البصخة	تطهير الهيكل + لعن شجرة التين	متى 19

اليوم	الأحداث	الشاهد
ثلاثاء البصخة	سؤال الكتبة و الفريسيين عن سلطان يسوع + مثل الابنين + مثل الكرّامين الأردباء + مثل عُرس ابن الملك + دفع الجزية لقيصر + سؤال الصدوقيين عن القيامة من الأموات + سؤال الفريسيين عن الوصية العظمى + كلام ربنا يسوع عن المسيح ابن داود و ربّه + الويلات للكتبة والفريسيين + علامات خراب الهيكل ونهاية الأزمنة + مثل العذارى + مثل الوزنات + عمل الرحمة	متى 19 ل 25

## 66 نقدر نتابع أحداث أسبوع الآلام في المعلومة دي

نبوات العهد القديم في إنجيل متى - إصحاح 21 ل 25

النبوة	العهد القديم	العهد الجديد
قولوا لابنة صهيون هوذا ملكك ياتيك وديعا راكبا على اتان و جحش ابن اتان	زكريا 9 : 9	متى 21 : 5
بيتي بيت الصلاة يدعى و انتم جعلتموه مغارة لصوص	إرميا 7 : 11	متى 21 : 13
من افواه الاطفال و الرضع هيات تسبيحا	مز امير 8 : 2	متى 21 : 16
الحجر الذي رفضه البنائون هو قد صار راس الزاوية من قبل الرب كان هذا و هو عجيب في اعيننا	مز امير 118 : 22 و 23	متى 21 : 42



من أول هنا نبدأ أربعاء البصخة و معلمنا متى ذكر كل الأحداث التي نقرأها في البصخة زي ما موجود في **المعلومة دي** ما عدا بعض الأحداث

أحداث أسبوع الآلام الغير مذكورة في إنجيل متى

اليوم	الأحداث	الشاهد
خميس العهد	غسل الأرجل	يوحنا 13
خميس العهد	الصلاة الوداعية في بستان جثسيماني: فصول البارقليط (خطاب السيد المسيح الوداعي لتلاميذه)	يوحنا 14 ل 17
الجمعة العظيمة	بعض المحاكمات (زي المحاكمة قدام هيرودس)	لوقا 23
الجمعة العظيمة	أمانة اللص و اعترافه بالمسيح	لوقا 23
الجمعة العظيمة	كلمات السيد المسيح على الصليب (ما عدا إلهي إلهي لماذا تركتني)	لوقا 23 و يوحنا 19
الجمعة العظيمة	طعن جنب السيد المسيح ليخرج دم و ماء (بدل كسر ساقيه) لكي تتم النبوات	يوحنا 19

🔔 **ينتهي إنجيل معلمنا متى بقيامة ربنا و ظهوره للتلاميذ و إرساله لهم و وعده المريح لهم (ها أنا معكم كل الأيام) ... و على الناحية الثانية قساوة قلب رؤساء الكهنة اللي أعطوا رشوة للحراس عشان يقولوا إن التلاميذ سرقوا الجسد**

نبوات العهد القديم في إنجيل متى - إصحاح 26 ل 28

النبوة	العهد القديم	العهد الجديد
--------	--------------	--------------

العهد الجديد	العهد القديم	النبوة
متى 27 : 9 و 10	زكريا 11 : 13	وأخذوا الثلاثين من الفضة، ثمن المئتمن الذي ثمنوه من بني إسرائيل، وأعطوها عن حقل الفخاري، كما أمرني الرب
متى 27 : 35	مزامير 22 : 18	اقتسموا ثيابي بينهم، وعلى لباسي ألقوا قرعة
متى 27 : 46	مزامير 22 : 1	إلهي، إلهي، لماذا تركتني؟

## من تريدون أن أطلق لكم؟ باراباس أم يسوع الذي يدعى المسيح؟

متى 27 : 17

اختيار بيواجهنا في أوقات كثير جداً: مين يغلب عندك؟ ربنا يسوع ولا الشيطان؟  
ربنا يدينا نختر صح (مش زي الشعب ده) ... و لو اخترنا غلط نتوب (زي اللص اليمين)

## نتعلم إيه؟

مواقف مختلفة و ناس كثير عند صليب ربنا يسوع (بيلاطس السلابي، رؤساء الكهنة الأشرار، بطرس التائب، يهوذا اليائس، اللص الأمين ...)

يا رب خليني أتعلم من اللص اليمين الأمين اللي خطف الملكوت ... مايتسش أبداً و أنا شايف صليبك



- Bible Project - Part 1
- Bible Project - Part 2
- فتشوا الكتب - أبونا داود لمعي
- تبسيط إنجيل متى - أبونا لوقا ماهر